

Switandzhaku swa Xibalo swo Humesa Mali ku suka eka *Two-Pot Retirement System*

Tshwane, 23 Mhawuri 2024 – Vanhu lava nga na xikongomelo xo humesa mali ku suka eka poto ra nhlayiso ra sisiteme leyi vuriwaka *Two-Pot Retirement System*) (Sisitemepotombirhi ya Rhithayamente) ku sukela hi ti1 Ndzati 2024 va fanele ku va va titsariserile xibalo. Lava nga titsariselangiki va fanele ku titsarisela va nga se endla xikombelo na nkwama wa vona lowu faneleke. Loko munhu a nga titsariselangi xibalo, xikombelo xa xileriso xa xibalo lexi rhumeriweke ku suka eka nkwama ku ya eka SARS xi ta tsan'wiwa.

Tihakelo eka mikwama ya rhithayamente a ti hakerisiwi xibalo. Kwalaho, xibalo xi ta susiwa ku suka eka ntsengo wihi na wihi lowu humesiwaka. Xibalo xi ta hlalayeriwa eka mpimo wa xibalo lowu tirhelaka munhu yaloye.

Vahakelaxibalo va fanele ku tiyisisa leswaku a va na mitlheriso leyi kayiveleke naswona a va koloti SARS. Xikweleti lexi kolotiwaka SARS xi ta susiwa ku suka eka ntsengo lowu humesiwaka.

Vahakelaxibalo a va fanelangi ku ya ehofisini ya SARS, tanihileswi switirho swo tala swi kumekaka eka yin'we ya tichanele ta SARS ta xidijiti kumbe ta mobayili.

Swirho swa nkwama wa phenxeni swi nga titsarisela xibalo hi ku tirhisa chanele ya eFiling eka www.sarsefiling.co.za kumbe SARS MobiApp. Swi nga tlhela swi tirhisa SARS Online Query System (SOQS) eka webusayiti ya SARS (www.sars.gov.za) ku titsarisela Xibalo xa Malinghena xa Munhu Yena N'wini. Loko swi titsariserile khale, swi nga tirhisa SOQS ku langutisa nomboro ya swona ya rheferense ya xibalo. Xikombelo xa xileriso xa xibalo hi mulawuri wa nkwama xi nga endliwa kan'we ntsena loko xirho xi endlile xiboho xo hetelela ku endla humeso wa mali.

Endzhakukaloko muhakelaxibalo loyi a titsariseleke a endlile xikombelo, nkwama wa phenxeni wu ta endla xikombelo xa xileriso xa xibalo eka SARS. Xileriso lexi humeleleke xi tivisa nkwama leswaku i xibalo xo fika kwihi lexi faneleke ku susiwa eka humeso wa mali. Loko muhakelaxibalo a landzelerisa hi ku helela, swi ta teka kwalomuya ka 48 wa tiawara leswaku SARS yi humesa xileriso xa xibalo eka nkwama wa phenxeni lexi nga na vuxokoxoko mayelana na xikweleti xa xibalo xa xirho xa nkwama wa phenxeni (i xibalo xo fika kwihi lexi faneleke ku susiwa ku suka eka humeso wa mali).

Loko ntsengo wo hetelela wu nga si hakeriwa eka muendlaxikombelo, nkwama wa phenxeni wu ta tivisiwa leswaku wu susa xikweleti xihhi na xihhi lexi kayiveleke ku hakeriwa ematshan'wini ya SARS ku nga si endlwa hakelo yihhi na yihhi eka xirho. Loko munhu a ri na lulamiselo ra xikweleti na SARS, humeso wu nge khumbeki. Loko ku ri na xikweleti lexi kolotiwaka SARS, xi ta susiwa hi ku ya hi lulamiselo rero.

Valawuri va Nkwama va hlohloteriwa ku endla xikambelwana xa leswi na SARS, leswaku phurosese yi ta rhelela loko hinkwaswo swi sungula. Nkarhi wa ha ri kona ku fikela hi ti 30 Mhawuri 2024.

Khalilkhuleyitara ya xibalo ya kumeka eka eFiling na le ka webusayiti ya SARS (www.sars.gov.za) ku pfuneta swirho swa nkwama wa phenxeni hi ntsengo lowu

koxometiweke wa ntsengo wa leswi va nga swi langutelaka tanihi hakelo. Vuxokoxoko hinkwabyo lebyi faneleke no lulama byi fanele byi nyiketiwa ku kuma mpimaniso wo vonaka wa hakelo.

Switandzhaku swa xibalo eka swirho swa nkwama wa phenxeni leswi holaka ehansi ka mpimo wa mali lowu hakelaku xibalo naswona leswi nga ta endla humeso ku suka eka poto ra nhlayiso, swi ta hetisisiwa enkarhini wa Nguva yo Fayila ya lembe laha malinghena leyi hakerisiwa xibalo yi nga ta kumisisiwa , no hakerisiwa xibalo eka 18%.

Xirho lexi endlaka humeso eka *two-pot* xi ta va xi ri ku tirheni naswona, kwalaho, laha xi holaka malinghena ya ntholo, leyi nga henhla kumbe yi nga hundzi mpimo wa mali lowu hakerisiwaka xibalo, hi ku ya hi mbuyelo wa humeso – nhlanganiso wu ta engeteriwa eka malinghena ya ntholo.

Xinawana xo letela eka ntsengo wa xibalo lowu faneleke ku hakeriwa hi leswaku mitsengo hinkwayo leyi horiweke kumbe leyi humesiweke ku suka eka nkwama yi ta kumisisa mpimo wa xibalo wo hetelela. Nsusohansi kumbe nsusohenhla wa xibalo ku suka eka humeso wa mali eka *two-pot* wu ta hakeriwa hi ku yima na muhakelaxibalo kumbe SARS eka nhlaluvo enkarhini wa Nguva yo Fayila wa lembe.

Loko xirho xi hlawula ku ka xi nga humesi ku suka eka poto ra xona ra nhlayiso ku nga si fika rhithayamente, timali leti nga sala ti ta hakerisiwa xibalo tanihi mali yo tala xikan'we eka rhithayamente. Mipimo leyi ya xibalo yi le hansi swinene loko ku fananisiwa na mipimo ya xibalo leyi hakeriwaka leyi tirhisiwaka eka mihumeso ku nga se fika rhithayamente.

Swirho swa nkwama wa phenxeni swi hlohloteriwa ku ka swi nga yi emarhavini ya SARS. SARS yi vekerile tichanele ta xidijiti to olova ku ti tirhisa ku pfuna swirho swa nkwama wa phenxeni, ku katsa na tichanele leti landzelaka ta tiqingo ta mobayili:

- WhatsApp: sevha nomboro ya SARS WhatsApp, 0800 11 7277, eka nongoloko wa vatihlanganisi va wena. Ku sungula xivutiso xa wena, thayipa "Hi" kumbe "Hello".
- Rhumela nomboro 47277 kumbe USSD code *134*7277#

Mayelana na swivutiso swa vuhangasi bya mahungu, u komberiwa ku tihlanganisa na SarsMedia@sars.gov.za